

北京史資料長編(辽金部分)

北京市文物研究所

于杰編撰

北京史資料長編

(辽金部分)

北京燕山出版社



X201/31

版社

北京史资料长编

(辽金部分)

北京市文物研究所
于杰编撰

北京燕山出版社

1081199

北京史资料长编

(辽金部分)

北京市文物研究所

于杰 编撰

北京燕山出版社出版

(北京市东城区府学胡同36号)

北京市新华书店发行

首都医学院印刷厂印刷

787×1092毫米 16开本 6.5印张 106千字

1986年5月第1版

1986年5月第1次印刷

印数：1—3,000册

书号：11436·3 定价：1.20元

前言

我国首都北京所在地区，自战国以来被开发，魏、晋、南北朝时期逐渐形成边镇，到唐代，已经成为国家东北隅的重要城市——幽州。它不仅是这一地区的政治、经济、文化中心及军事重镇，还是控制从内地通向北方少数民族地区交通孔道的要塞。唐末五代战乱之后，正式成为契丹所建辽王朝的五京之一——南京；到金代，则将国都——中都，设立于此。

从辽开始，北京地区的地位日渐重要，因此，搜集、整理辽代以后北京地区的历史资料，对开展北京史的研究工作，是必不可少的。

为配合北京史的研究工作，我们将于杰同志长期以来所编选、整理的北京史资料长编（辽金部分）编辑出版，供专业工作者及业余爱好者参考之用。

本书采取编年史书体例，以公元纪年为主，次注以辽、宋、金各代的帝王纪年及年号，下列岁次干支，以利读者查阅。

本书内容包括辽、金两代王朝时期北京地区的政治、经济、军事活动，民生、文化活动，地震、水、旱灾害等自然现象，生产活动，宗教活动，城池、宫阙、庙塔寺院等古建沿革，地下考古、河道变迁等资料。这些资料分别采自正史、野史、私人传记、笔

记、文集等。凡各书中记述重复之资料，亦予收录，以备用者参酌。以后，还将陆续编辑出版本长编的元代部分、明代部分、清代部分、中华民国部分。

本书系初次编辑出版，由于编者经验不足，缺点、错误在所难免，尚希读者给予指正。

北京市文物研究所

北京历史考古丛书编辑组

一九八六年四月

北京史资料长编（辽金部分）

公元九〇七年（辽太祖元年，后梁开平元年）

丁卯

卢龙节度使刘仁恭，骄侈贪暴，常虑幽州城不固，筑馆于大安山，曰：此山四面悬绝，可以少制众。其棟宇壮丽，拟于帝者。选美女实其中，与方士炼丹药，求不死。悉敛境内钱，瘞于山颠，令民间用董泥为钱。又禁江南茶商无得入境，自采山中草木为茶，鬻之。（《资治通鉴卷二六六》）
夏四月……刘仁恭子守光囚其父，自称幽州卢龙军节度使。（《辽史·太祖本纪》）

公元九〇八年（辽太祖二年，后梁开平二年）

戊辰

刘守文举沧德兵攻幽州，刘守光求救于晋，……守文兵至卢台军，为守光所败，又战玉田，亦败。守文乃还。（《资治通鉴卷二六七》）

公元九〇九年（辽太祖三年，后梁开平三年）

己巳

三月，刘守文频年攻刘守光不克，乃大发兵，以重赂招契丹、吐谷浑之众，合四万屯蓟州。守光逆战于鸡苏，为守文所败……（《资治通鉴卷二六七》）

沧州节度使刘守文为弟守光所攻，遣人来乞兵讨之，命皇弟舍利素、夷离董萧敌鲁以兵会守文于北淳口。进至横海军近淀，一鼓破之，守光溃去。因名北淳口为会盟口。（《辽史·太祖本纪》）

公元九一〇年（辽太祖四年，后梁开平四年）

庚午

刘守光为其父仁恭请致仕。丙午，以仁恭为太师，致仕。守光寻使人潜杀其兄守文，归罪于杀者而诛之。（《资治通鉴卷二六七》）

八月，以刘守光兼义昌节度使。（《资治通鉴卷二六七》）

公元九一一年（辽太祖五年，后梁乾化元年）

辛未

三月，次溪河，刻石纪功。复略蓟州……八月甲子，刘守光僭号幽州，称燕。（《辽史·太祖本纪》）
燕王守光将称帝，将佐多窃议以为不可，守光乃置斧质于庭，曰：敢谏者斩！（《资治通鉴卷二六八》）

甲子，守光即皇帝位，国号大燕，改元应天。……受册之日，契丹陷平州，燕人惊扰。（资治通鉴卷二六八）

燕主守光集将吏谋攻易定，……。戊申，燕主守光将兵二万寇易定，攻容城。（同上）

公元九一二年（辽太祖六年，后梁乾化二年） 壬申

不二月戊午，亲征刘守光。三月，至自幽州。（辽史·太祖本纪）

春正月，德威东出飞狐……戊子，围涿州。……先是，燕王守光籍境内丁壮，悉文面为兵，虽士人免。……丁酉，德威至幽州城下，五月，燕王守光遣其将单廷珪将精兵万人出战，与周德威迁于龙头岗。（胡注：龙头岗在幽州城东南。又引考异曰：庄宗实录作羊头岗，今从庄宗列传。）

（资治通鉴卷二六八）

公元九一三年（辽太祖七年，后梁乾化三年） 癸酉

春正月甲辰朔，以用兵免朝。晋王李存勖拔幽州，擒刘守光。（辽史·太祖本纪）

夏四月……晋周德威进军逼幽州南门，壬辰，燕主守光遣使致书于德威以请和，……德威乃以闻于晋王。……冬十月，己巳朔，燕主守光率众五千夜出，将入檀州。庚午，周德威自涿州引兵邀击，大破之，守光以百余骑逃归幽州，其将卒降者相继。……卢龙巡属皆入于晋，燕主守光独守幽州城，求援于契丹，契丹以其无信，竟不救。守光屡请降于晋，晋人疑其诈，终不许。……十一月甲辰，晋王……自诣幽州。辛酉，单骑抵城下。……壬戌，晋王督诸军四面攻城，克之，擒刘仁恭及其妻妾，守光帅妻子亡去。癸亥，晋王入幽州。（资治通鉴卷二六八）

公元九一五年（辽太祖九年，后梁贞明元年） 乙亥

夏六月，幽州军校齐行本举其族及其部曲男女三千人请降，……数日亡去，幽州周德威纳之。及诏索之，德威语出不逊，乃议南征。（辽史·太祖本纪）

公元九一六年 (辽太祖神册元年, 后梁贞明二年) 丙子

夏四月乙酉朔, 晋幽州节度使卢国用来降, 以为幽州兵马留后。 (辽史·太祖纪)

公元九一七年 (辽太祖神册二年, 后梁贞明三年) 丁丑

三月辛亥, 攻幽州, 节度使周德威以幽、并、镇、定、魏五州兵拒于居庸关之西, 合战于新州东, 大破之。……夏四月, 壬午, 围幽州, 不克。六月乙巳, 望城中有气如烟火状, 上曰: 未可攻也。以大暑霖潦, 班师。……秋八月, 李存勖遣李嗣源等救幽州, 曷鲁等以兵少而还。 (辽史·太祖本纪)

太祖本纪

三月, ……契丹乘胜进围幽州, ……周德威遣间使诣晋王告急。王……谋于诸将, 独李嗣源、李存

审、阎宝劝王救之。……夏四月, 晋王命嗣源将兵先进, 军于涑水, 阎宝以镇、定兵继之。秋七月,

庚戌……晋王以李嗣源、阎宝兵少, 未足以敌契丹, 辛未, 更命李存审将兵益之。八月……契丹围

幽州且二百日, 城中危困。李嗣源、阎宝、李存审步骑七万会于易州, ……甲午, 自易州北行, 庚

子, ……距幽州六十里, 与契丹迁, ……嗣源父子力战, 乃得进。……将至幽州, 契丹列阵待之。

……因鼓噪合战, ……契丹大败, 席卷其众自北山去, 委弃车帐铠仗羊马满野, 晋兵追之, 俘斩万

计。辛丑, 嗣源等入幽州, 周德威见之, 握手流涕。 (资治通鉴卷二七〇)

公元九二一年 (辽太祖神册六年, 后梁龙德元年) 辛巳

十一月, ……契丹主……悉发所有之众而南。……十二月, 辛未, 攻幽州, 李绍宏婴城自守。

(资治通鉴卷二七一)

十二月癸丑, ……存勖至幽州, 遣二百骑蹙我军后, 我军反击, 悉擒之。 (辽史·太祖本纪)

公元九二二年 (辽太祖天赞元年, 后梁龙德二年) 壬午

春二月, 庚申, 复徇幽蓟地。 (辽史·太祖本纪)

公元九二三年

(辽太祖天赞二年，后梁龙德三年)

癸未

夏四月，……癸丑，命尧骨攻幽州。……庚申，尧骨军幽州东，节度使符存审遣人出战，败之，擒其将裴信父子。(辽史·太祖本纪)

公元九三八年(辽太宗会同元年，后晋天福三年)

戊戌

辽当庄宗、明宗时，攻陷营平二州，及已立晋，又得雁门以北，幽州节度管内合一十六州。乃以幽州为燕京，改天显十一年为会同元年。(五代史列传)

十一月……晋复遣赵莹奉表来贺，以幽、蓟、瀛、莫、涿、檀、顺、妣、儒、新、武、云、应、朔、寰、蔚十六州并图籍来献。于是，诏以皇都为上京，府曰临潢。升幽州为南京，南京为东京。改新州为奉圣州，武州为归化州。(辽史·太宗本纪)

太宗得燕，置南京城，北有市，百物山峙，命有司治其征。(辽史·食货志)

府曰幽都，军曰卢龙，开泰元年落军额。(辽史·地理志)

城方三十六里，崇三丈，衡广一丈五尺。敌楼、战櫓具。八门：东曰安东，迎春，南曰开阳，

丹凤，西曰显西，清晋，北曰通天，拱辰。大内在西南隅，皇城内有景宗、圣宗御容殿二，东曰

宣和，南曰大内。内门曰宣教，改元和；外三门曰南端、左掖、右掖。左掖改万春，右掖改千秋。

门有楼阁，毯场在其南，东为永平馆，皇城西门曰显西，设而不开；北曰子北。西城巔有凉殿，东

北隅有燕角楼。坊市、廨舍，寺观，盖不胜数。其外，有居庸、松亭、榆林之关，古北之口，

桑干河、高梁河、石子河、大安山、燕山——中有瑶屿。(辽史·地理志)

公元九三九年(辽太宗会同二年，后晋天福四年)

己亥

五月乙巳，禁南京鬻牝羊出境。(辽史·太宗本纪)

八月乙丑，晋遣使贡岁币，奏输戌、亥二岁金币于燕京。(同上)

公元九四〇年（辽太宗会同三年，后晋天福五年）

庚子

三月戊辰，……报幸南京。己巳，如南京。夏四月庚子，至燕，备法驾，入自拱辰门。御元和殿，行入阁礼。……乙巳，幸留守赵延寿别墅。……壬子，御便殿，宴晋及诸国使。……壬戌，御昭庆殿，宴南京群臣。……五月，戊子，阅骑兵于南郊。六月……丙申，阅步卒于南郊。……壬寅，驾发南京。……十二月，丁巳，诏南京皇城西南堞建凉殿。（辽史·太宗本纪）
夏四月甲子，契丹兴化王来。（新五代史·晋本纪·高祖）冬十月丁未，契丹使舍利来。（同上）

公元九四一年（辽太宗会同四年，后晋天福六年）

辛丑

冬十月辛丑，有司奏燕薊大熟。（辽史·太宗本纪）十一月丙寅，晋以讨安重荣来告。（同上）
夏四月己未，契丹使述括来。……九月乙亥，前安国军节度使杨彦询使于契丹。
十二月，……成德军节度使安重荣反。……丙申，契丹遣使者来。（新五代史·晋纪·高祖）

公元九四二年（辽太宗会同五年，后晋天福七年）

壬寅

春正月……戊辰，晋函安重荣首来献。（辽史·太宗本纪）
二月壬辰，上将南幸。……（同上）

春正月，丁巳，……执安重荣斩之。……庚申，重荣首至邺都，帝命漆之，函送契丹。十二月，……契丹卢龙节度使赵延寿欲代晋帝中国，屡说契丹击晋，契丹主颇然之。（资治通鉴卷二八三）

公元九四三年（辽太宗会同六年，后晋天福八年）

癸卯

冬十一月辛卯，上京留守耶律迪辇得晋谍，知有二心。……十二月丁未，如南京，议伐晋。命赵延寿、赵延昭、安端、解里等由沧、恒、易、定，分道而进，大军继之。（辽史·太宗本纪）
春正月，癸卯，……帝闻契丹将入寇，二月，己未，发邺都；乙丑，至东京。然犹与契丹问遣相往来，无虚月。……九月，……契丹主……入寇之志始决。晋使如契丹，皆系之幽州，不得见。……十一

月丁亥，……初，高祖以马三百借平卢节度使杨光远，景延广以诏命取之。光远怒曰：是疑我也。……十二月，甲寅，……光远益骄，密告契丹，以晋负德背盟，境内大饥，公私困竭，乘此际攻之，一举可取；赵延寿亦劝之。契丹主乃集山后及卢龙兵合五万人，使延寿将之，委延寿经略中国，……延寿由是为契丹尽力，画取中国之策。（资治通鉴卷二八三）

公元九四四年（辽太宗会同七年，后晋开运元年） 甲辰

十二月癸卯，南伐。甲子，次古北口。（辽史·太宗本纪）

驻蹕寺在大都丽正门外西南三里，旧城施仁关，大唐宝刹寺也。……佛宫僧舍，几至千室。至辽初至金輿多至此地，乃旌改其名曰驻蹕。会同七年甲辰岁也。（元一统志）

公元九四五年（辽太宗会同八年，后晋开运二年） 乙巳

夏四月甲申，还次南京，杖战不力者各数百。庚寅，宴将士于元和殿。（辽史·太宗纪）
三月癸亥……契丹主至幽州，散兵稍集，以军失利，杖其酋各数百。唯赵延寿得免。（资治通鉴卷二八四）

公元九四六年（辽太宗会同九年，后晋开运三年） 丙午

八月丙寅，……自将南伐。九月壬辰，阅诸道兵于渔阳西棗林淀。（辽史·太宗本纪）
辽主还自虎北口，闻晋取泰州，张拥众南向，丁巳，前锋至涿州。（册府元龟卷百十八）

公元九五〇年（辽天禄四年，后汉乾祐三年） 庚戌

辽世宗天禄四年，大悯忠寺阁又灾。（元一统志）

冬十月，自将南伐。（辽史·世宗本纪）

公元九五三年（辽穆宗应历三年，后周广顺三年） 壬子

十一月辛丑，……以南京水，诏免今岁租。（辽史·穆宗本纪）

公元九五四年（辽穆宗应历四年，后周显德元年） 癸丑

二月，丙辰，……幸南京。（辽史·穆宗本纪）

甲寅，穆宗应历五年即（大悯忠寺阁）故基省为两层。（元一统志）

公元九五八年（辽穆宗应历八年，后周显德五年） 戊午

夏四月甲寅，南京留守萧思温攻下沿边州县，遣人劳之。……六月辛未，萧思温请益兵，乞驾辛燕。（辽史·穆宗本纪）

夏四月，乙卯。……契丹乘虚入寇。壬申，帝至大梁，命张永德将兵御北边。（资治通鉴卷二九四）

公元九五九年（辽穆宗应历九年，后周显德六年） 己未

夏四月，丙戌，周来侵。戊戌，以南京留守萧思温为兵马都总管击之。是月，周拔益津、瓦桥、淤口三关。（辽史·穆宗本纪）

五月乙巳朔，陷瀛、莫二州。癸亥，如南京。辛未，周兵退。（同上）

秋七月，发南京军戍范阳。（同上）

周治师北伐，鄆州节度使田景威为淤口部署，以右神武统军李洪信为合流口部署，以益凤翔节度使王晏为益津关一路部署。（册府元龟卷九八七）

夏四月，辛丑，（周师）至益津关，契丹守将终廷辉以城降。（胡注：益津关在莫州文安县；九域

志：在乾宁军西北一百六十里。宋白曰：益津关本幽州会昌县，唐天宝中改永清县。）（资治通鉴卷二九四）

五月，淤口关降。（五代史补）

五月，丙午，帝趣诸将议取幽州，……是夜，帝不豫，乃止。（旧五代史·周世宗纪）

五月，……丙午，宴诸将于行宫，议取幽州，诸将以为：陛下离京四十二日，兵不血刃，取燕南之地，此不世之功也。今虏骑皆聚幽州之北，未宜深入。上不悦。是日，趣先锋都指挥使刘重进

（旧五代史作李重进）先发，据固安，上自至安阳水，命作桥，会日暮，还宿瓦桥。是日，上不豫

而止。契丹主遣使者日驰七百里诣晋阳，命北汉主发兵绕周边，闻上南归，乃罢兵。（通鉴卷二九四）

公元九六〇年（辽穆宗应历十年，宋太祖建隆元年） 庚申

八月，己亥，契丹幽州岐沟关使柴廷翰等来降。（宋史·太祖纪）

公元九六一年（辽穆宗应历十一年，宋太祖建隆二年） 辛酉

六月，……壬戌，……先是辽南京留守萧思温以老人星见，乞行赦宥，辽主许之。草赦既成，留数月不出，翰林学士河间刘景曰：唐制，赦书日行五百里，今稽期弗发，非也。辽主亦不报，至是月，始赦。（续资治通鉴卷二）

三月丙辰，萧思温奏老人星见，乞行赦宥。……六月甲午，赦。（辽史·穆宗本纪）

仰山寺在旧城归厚坊。……佛殿题梁乃辽穆宗应历十一年岁次辛酉八月十五日建。（元一统志）

公元九六三年（辽穆宗应历十三年，宋太祖乾德元年） 癸亥

春正月，……丙寅，宋欲城益津关，命南京留守高勛、统军使崔廷勋以兵扰之。（辽史·穆宗本纪）

春，正月，……丙寅，……时议城益津关，辽人知之。南京留守高勛上书，请假巡徼扰其境，辽主然其奏，命勋及统军使崔廷勋以兵扰之，乃不果城。（续通鉴卷三）

八月，……己亥，辽幽州岐沟关使柴廷翰等来降。（同上）

十二月，……闰月，乙卯，……龙捷军校王明诣阙献阵图，请讨幽州。（宋史·太祖纪）

公元九六四年（辽穆宗应历十四年，宋太祖乾德二年） 甲子

八月己巳，……戊申，……曲赦京师囚。（辽史·穆宗本纪）

八月，戊申，辽主以生日值天赦，不受贺，曲赦京师囚。（续通鉴卷四）

公元九六七年（辽穆宗应历十七年，宋太祖乾德五年） 丁卯

二月甲子，高勋奏宋将城益津关，请以偏师扰之，上从之。（辽史·穆宗本纪）

二月，甲子，辽南京留守高勋，请以偏师扰益津关，从之。（续通鉴卷五）

公元九七一年（辽景宗保宁三年，宋太祖开宝四年） 辛未

三年春正月……辛酉，南京统军使魏国公韩匡美封邺王。（辽史·景宗纪）

九月，甲寅，如南京。（同上）

九月，……甲寅，（辽主）如南京，移上京留守韩匡嗣于南京，即以其子德让代为东京留守。

（续通鉴卷六）

公元九七二年（辽景宗保宁四年，宋太祖开宝五年） 壬申

冬十月丁亥朔，如南京。（辽史·景宗本纪）

公元九七三年（辽景宗保宁五年，宋太祖开宝六年） 癸酉

春正月……庚午，御五凤楼观灯。（辽史·景宗本纪）

冬十月丁酉，如南京。（同上）

公元九七四年（辽景宗保宁六年，宋太祖开宝七年） 甲戌

春正月癸未，幸南京。（辽史·景宗本纪）

十月乙亥朔，还上京。（同上）

公元九七五年（辽景宗保宁七年，宋太祖开宝八年） 乙亥

九月，败燕颇于治河，遣（耶律曷里必）其弟安博追之。燕颇走保兀惹城，安博乃还。以余党千余户城通州。（辽史·景宗本纪）

大延寿寺在旧城悯忠寺之东，起自东魏，……至辽保宁中，建殿九间，复阁衡廊，穷极伟丽。

（元一统志）

公元九七六年（辽景宗保宁八年，宋太宗太平兴国元年）

丙子

十二月，……戊午，诏南京复礼部贡院。（辽史·景宗本纪）

公元九七九年（辽保宁十一年，乾亨元年，宋太平兴国四年） 己卯

三月丙戌，……诏北院大王奚底、乙室王撒合等以兵戍燕。（辽史·景宗纪）

六月，己巳，宋主围南京。秋七月癸未。（耶律）沙等及宋兵战于高粱河，少却；休哥、斜轸

横击，大败之。宋主仅以身免，至涿州，窃乘驴车遁去。甲申，击宋余军，所杀甚众，获兵仗、

器甲、符印、粮馈、货币不可胜计。辛丑，耶律沙遣人上俘获，以权知南京留守事韩德让、权南京

马步军督指挥使耶律学古、知三司事刘弘皆能安人心、捍城池，并赐诏褒奖。（同上）

十二月……是冬，驻蹕南京。（同上）

宋兵取河东，侵燕，五院讹详奚底、统军萧讨古等败归，宋兵围城，招胁甚急，人怀二心。隆运登

城，日夜守御；援军至，围解。及战高粱河，宋兵败走，隆运邀击，又破之。以功拜辽兴军节度

使，征为南院枢密使。（辽史·耶律隆运传）

乾亨元年，宋侵燕，北院大王奚底、统军使萧讨古等败绩，南京被围。帝命休哥代奚底，将五院军

往救。迁大敌于高粱河，与耶律斜轸分左右翼，击败之。追杀三十余里，斩首万余级，休哥被三

创。明日，宋主遁去，休哥以创不能骑，轻车追至涿州，不及而还。（辽史·耶律休哥传）

圣宗诏立祠南京。（同上）

马得臣，南京人，好学博古，善属文，尤长于诗。保宁间，累迁政事舍人，翰林学士，常预朝议，

以正直称。乾亨初，宋师屡犯边，命为南京副留守。（辽史·马得臣传）

乾亨初，宋再攻河东，……是年秋，宋下河东，乘胜袭燕，北院大王耶律奚底与萧讨古逆战，败

绩，退屯清河北。斜軫取奚底等青帜军于得胜口以诱敌，敌果争赴。斜軫出其后，奋击败之。及高粱之战，与耶律休哥分左右翼夹击，大败宋军。（辽史·耶律斜軫传）

九月己卯，燕王韩匡嗣为都统，南府宰相耶律沙为监军，惕隐休哥、南院大王斜軫、权奚王抹只等各率所部南伐；……（辽史·景宗纪）

冬十月乙丑，韩匡嗣与宋兵战于满城，败绩。辛未，太保矧思与宋兵战于火山，败之。（同上）

乾亨元年，宋既下河东，乘胜侵燕，学古受诏往援。始至京，宋败耶律奚底、萧讨古等，势益张，围城三周，穴地而进，城中民怀二心。学古以计安反侧，随宜备御，昼夜不少懈。适有敌三百余人夜登城，学古战却之。会援军至，围遂解；学古开门列阵，四面鸣鼓，居民大呼，声震天地。旋有高粱之捷。（辽史·耶律学古传）

宋乘锐侵燕，沙与战高粱河，稍却，迁耶律休哥及斜軫等邀击，败宋军。宋主宵遁，至涿州，微服，乘驴车间道而走。（辽史·耶律沙传）

六月甲寅，以将伐幽蓟，……庚申，帝复自将伐契丹。丙寅，次金台顿，募民为乡导者百人。丁卯，次东易州，刺使刘宇以城降，留兵千人守之。戊辰，次涿州，判官刘厚德以城降。己巳，次盐沟顿，民得近界马来献。赐以束帛。庚午，次幽州城南，驻蹕宝光寺。契丹军城北，帝率众击走之。壬申，命节度使定国宋偓、河阳崔彦进、彰信刘迁、定武孟玄喆四面分兵攻城。以潘美知幽州行府事。契丹铁林厢主李札卢存以所部降。癸酉，移幸城北，督诸将进兵，获马三百。幽州神武厅直并乡兵四百人来降。乙亥，范阳民以牛酒犒师。丁丑，帝乘辇督攻城。秋七月庚辰，契丹建雄军节度使、知顺州刘廷素来降。壬午，知蓟州刘守恩来降。癸未，帝督诸军及契丹大战于高粱河，败绩。甲申，班师。（宋史·太宗纪）

太宗皇帝自并门乘胜直趋幽燕，辽甘心沙漠遁矣。有锡里郎君裕悦者，请得五千骑以当王师。不

成，退处未晚。从之，乃骑持一帜，由间道邀我归路，周环往来，昼夜不绝，帝疑救兵大至，宵归定州。（王巩：闻见近录）

太宗自并幸幽，乘辽无备，其主方猎，遁归牙帐，议弃燕幽，以兵守松亭虎北口而已。裕悦时为锡里郎君，请兵十万救幽州，人夜持两炬，朝举两旗，选精兵三万，从地道，自官军南，席卷而北。又先以弱兵五十守幽州，望风遁去，我师迁之不得，及我师已退，或劝袭之，裕悦曰：受命救燕蓟，已得之矣，不复争利。（江氏杂志）

宋太平兴国四年（契丹国志作乾亨六年，误）秋七月，太宗（一作宋帝）至幽州，攻城踰旬不下，士卒顿疲，转输四远，又恐辽救兵至，遂退师。（契丹国志，卷六）

永熙既下并州，欲乘胜收复蓟门，咨于众，参知政事赵昌言对曰：自此取幽州犹热馐翻饼耳。殿前都指挥使呼延赞争曰：书生之言不足尽信，此饼难翻。永熙竟趋幽燕，卷甲而还。卒如赞言。（鹿主史）

公元九八〇年（辽景宗乾亨二年，宋太宗太平兴国五年）

庚辰

闰三月，如南京，赏牡丹。（辽史·游幸表）

十月，辛巳，将南伐，祭旗鼓。癸未，次南京。……庚寅，次固安。……（辽史·景宗纪）

十二月庚子朔，宋兵夜袭营，突吕不部节度使萧幹及四捷军详稳耶律痕德战却之。壬寅，休哥败宋兵于瓦桥东，守将张师引兵出战，休哥奋击，败之。戊申，宋兵阵于水南，休哥涉水击破之，追至莫州，杀伤甚众。己酉，宋兵复来，击之殆尽。丙辰，班师。乙丑，还次南京。（同上）

十一月……己酉，帝伐契丹。壬子，发京师。癸丑，次长垣县。关南与契丹战，大破之。以河阳三城节度使崔彦进为关南都部署。戊午，……诸军及契丹大战于莫州，败绩。（宋史·太宗纪）

公元九八一年（辽景宗乾亨三年，宋太平兴国六年）

辛巳